

SAMOA

Faatulagaina o Aiaiga

- | | |
|--------------------------------|--|
| 1. Igoa puupuu ma le amataga | 4. Toe Iloiloina o Faasologa o Igoa o le Au Palota |
| 2. Faamatalaina o uiga o upu | 5. Uiga agavaa o tagata palota taitoatasi |
| 3. Uiga agavaa o tagata palota | |

2010, Nu. 10**O SE TULAFONO e teuteu ai le Tulafono o Faiga Palota 1963.** *[16 Iuni 2010]*

UA FAIA e le Fono Aoao Faitulafono a Samoa i totonu o le Palemene ua potopoto e faapea:

1. Igoa puupuu ma le amataga-(1) E mafai ona taua leni Tulafono o le Tulafono o Teuteuga o le Tulafono o Faiga Palota 2010.

(2) O leni Tulafono e amata faamamaluina i le aso e tuuina i ai le maliega a Le Ao o le Malo.

2. Faamatalaina o uiga o upu - I totonu o leni Tulafono, ae vagana ai ua manaomia e le mataupu se isi uiga e ese ai:

“Tulafono Autu” o lona uiga o le Tulafono o Faiga Palota 1963.

3. Uiga agavaa o tagata palota - Mo le fuaiupu 16(3) o le Tulafono Autu, ia suia e faapea:

“(3) I le noatia ma le fai fuafua i lenei Tulafono, e tatau ona agavaa se tagata palota ina ia faaliliu ese atu lona faamauina i se isi itumalo faaalaalafaga pe afai e lē itiiti ifo i lo le lima (5) tausaga ua faamauina ai le faaliliuina mulimuli o le tagata palota:

- (a) i lona faamauina muamua ai e avea o se tagata palota; po o
- (b) le faaliliuina aupito lata mai o le faamauina i se itumalo faaalaalafaga po o le toe faamauina i se itumalo faaalaalafaga (pe afai e i ai).”.

4. Toe Iloiloina o Faasologa o Igoa o le Au Palota - Mo le fuaiupu 18A o le Tulafono Autu, ia suia e faapea:

“**18A. Toe Iloiloina o Faasologa o Igoa o le Au Palota** - I le fesoasoani ai i le Komesina i le toe iloiloina o le faasologa o igoa o le au palota, e tatau i le Resitara o le Faamasinoga o Fanua ma Suafa ua faavaeina i lalo o le Tulafono o Fanua ma Suafa 1981, i masina e tolu (3) taitasi po o nisi lava vaitaimi e pei ona mafai ona malilie faatasi i ai, ona tuuina atu i le Komesina, suiga i suafa ua tusia i totonu o le Resitala o Matai ua faavaeina ma tausia i lalo o lea Tulafono, i totonu o masina e tolu (3) talu ai po o le vaitaimi ua malilie i ai.”.

5. Uiga agavaa o tagata palota taitoatasi - Ua soloia le fuaiupu 19(2) o le Tulafono Autu.

**O le Tulafono o Teuteuga o le Tulafono o Faiga Palota 2010
o lo o faafoeina e le Ofisa o le Komesina o Faiga Palota.**

**Lolomiina e le Failautusi o le Fono Aoaofaitulafono,
i le pule a le Fono Aoaofaitulafono.**